



• EDITORIAL • RÂL VÊNGTU • CHHÛNGKAW CHANCHIN
 » SYNOD MISSION BOARD RINGTHAR NEIH DÂN
 » KRISTIAN CHHUNGKAW DINHMUN TEHNA TI THA

RNI 68092/83 Regn. No. N.E. 1024
 From
 Synod Literature & Publication Board
 Synod Office, Aizawl - 796 001
 Mizoram. Phone: 0389-2324590

SYNOD *Newsletter*

Volume XXXV

No. 4

E-mail: synodnews@gmail.com

APRIL, 2020

LÂWRKHAWM

SYNOD OFFICE KHAR RIH

Sawrkâr laipuii 3 May, 2020 thleng ram pumah Covid-19 avanga Lockdown a puan avangin Synod Office pawh a kal dan ngaia kal a rem rih lo va, kohhran hote pawhin hriat ni se a tha ang.

SYNOD RELIEF FUND

Harsatna hrang hrang nei, damlo chhûngkaw 15 hnênah ₹ 1,20,000/-, vânduaina tâwk chhûngkaw panga hnênah ₹50,000/-, leimin tuar chhûngkaw pahni hnênah ₹ 16,000/- leh rethei zual chhûngkaw pahni hnênah ₹ 16,000/- Synod Relief Fund pêk an ni.

PALAI KAL

February 27 - 3 March, 2020 khân Evangelical Church of Maraland Assembly, Bethel Kohhran, Siaha-ah Mizoram Synod aiawha palaiin Rev. Vânlalnunmawia Zawngte, Kolasis Hmâr Vêng leh Upa K. Lalchhandama, Khawla lung Bangla Vêng te an kal.

SYNOD EXECUTIVE MEETING

(EMERGENCY MEETING) NEIH A NI

Covid19 hrilêng avânga April 30, 2020 thleng sawrkârin Total Lockdown a puan chhuzawm avângin kum 2020 Bial Inkhâwmpui leh Synod Board/Committee hrang hrangte thut hun tûr siam remin April 17, 2020 (Zirtâwponi) chawhma dâr 10:00 khân Synod Executive Committee Special/Emergency Sitting chu JM Lloyd Hall, Synod Office-ah neih a ni a. Aizawl khaw chhûnga SEC member zingah mi 46 zet he hunah hian an kal a ni.

He SEC (Emergency meeting)-ah hian thu pawimawh tak tak rêl a ni a. Hetiang hi an thurêlte chu a ni –

Committee emaw Bial Standing Committee-in emaw a rêl tûra dah a ni.

(i) **Ṭawngṭairual chungchâng (SEC 285:10 of Dt. 17.04.2020):** April 19, 2020 (Pathianni) zân dâr 7:00-ah Kohhran chhûng tinte ṭawngṭairualna hun hmang ṭheuh tûra rêl a ni a. Hetiang hian thupui pawh siam a ni:

- Covid-19 hrilêng a lo reh thuai theih nân
- Dam lo leh Covid-19 vânga thi chhûngte tân
- Damdawi lama thawk te, Task Force Duty-te, Police te leh sawrkâr hotute tân

(iv) **Pathian ram thawhlawm chungchâng (SEC 285:8 of Dt. 17.04.2020):** Tualchhûng Kohhranin thla tina a lâkkhâwm ṭhin Pathian Ram thawhlâwm te, Buhfaiṭhâm leh Thawktu châwmnate hi thlatin lâkkhâwm zêl tûra rêl a ni a. A lâk khâwm dân chu Tualchhûng Kohhran Committee-in an remchân dân ang ṭheuhva an kalpui mai tûr a ni ang. Heng Pathian Ram, Buhfaiṭhâm leh Thawktu châwmnate hi Tualchhûng Kohhranin inthlahdah lova ṭhahnemngai taka kalpui zêl tûrin kan infuih a ni.

(ii) **Pastor Bial Inkhâwmpui chungchâng (SEC 285:4 of Dt. 17.04.2020):** Sawrkâr-in Lockdown a chhuzawm loh chuan June 26-28, 2020 chhûng hian Pastor Bial Inkhâwmpui neih tûra rêl a ni a, hemi hunah remchâng lo chuan mahnia inruat chawp mai tûr a ni. Sawrkârin Lockdown a chhuzawm a, SEC hun ruata Bial Inkhâwmpui neih theih a nih loh chuan OM-in a ṭul angin a ruat anga, chu chu Bial tinin ngaihchân tûr a ni ang.

(v) **Board/Committee hun chungchâng (SEC 285:6 of Dt. 17.04.2020):** May & June 2020-a Board/Committee thut hun ruatsa hi Lockdown avânga tih danglam a ṭul chuan SEC aiawhin OM rêl tûra dah a ni.

Rorêl inkhâwm hi Moderator Rev. R. Lalchlanglian kaihruaiin Rev. Vânlalrova Khiangte, Synod Secretary (Sr.)-in report pe in –

• Mizoram sawrkârin Covid-19 laka invêna atâna ruahmanna a siam ang angtê Kohhranhoten ṭha taka an zawm avângin lâwmthu a sawi a.

• Hetianga rampum huapa Lockdown puan a nih tâk avâng hian hun ruatsa LIKKB Assembly (18-22 March, 2020)-a palai kal tûra ruatna pawh tihlawhtlin theih a ni ta lo va. Tin, Hualngoram Gospel Centenary lawmna (26-29 March, 2020)-

Phek 2-naah chhuzawm a ni...

COVID-19 HELPLINE
(Rîru leh thlarauva ṭawpuiina mamawh tan)

Covid-19 leh a kaihnawih thil avanga rîru leh thlarauva ṭawpuiina mamawh tan heng phone number-ah te hian BIAK THEIH KAN NIE.

6:00 a.m. - 10:00 p.m.

Contact Numbers:
 9436353745 / 9485140303 / 8787566340

AIZAWL THEOLOGICAL COLLEGE
 Durtlang Leitan

SYNOD Newsletter

EDITORIAL STAFF

Rev. Dr. C. Chawngmingliana
Rev. B. Sângthanga
Upa H. Ronghâka
Upa C. Thanga

Editorial

EI TAM I DUH CHUAN EI TLEM RAWH

Covid-19 hripui lêng avângin khawvêl a buai mup mup a. Thla thum chhông vêl lek in mi maktaduai hnih chuang an thi hman a. Khawvêl ram intlauh pawhna khâr t huap a ni a. Ram pakhat chhông rau rauvah pawh ram bial tê tê te chu inkhârkhip a ni deuh vek baw a. Thlawhtheihna te, rêl te, lirthei chi hrang hrang leh inkalpawhna hmanrua chi hrang hrang te a châwl t hup baw a. Hmun tin deuhthawah pawns chhuah khapna (Lock down) puan a ni a. Vênhimna lama mi pawimawh tlêm tih loh chu khawlaiah hmuh tûr an vâng hle. Hriau pawh tla se a ri a ring viau ang tih tûr khawpin hmun tin mai hi a reh thuap mai a ni.

Hêng avâng hian vântlâng puipunna engmah tih theih a ni lo. Pathian Biak Inkhâwm takngial pawh ti thei lo va thla khat chuang han awm mai chu mihring thil tak pawha a khawharthlâk chu thu hran, thlarau lamah phei chuan a khawharthlâk leh zual. Mi thenkhat phei chuan, "Huaisen takin inkhâwm ila Pathianin min vêng anga engtin mah kan tuar chuang lo vang," tih thâwm te pawh a ri nawk mai. Amaherawhchu, hêng inkhâwm theih loh hi tihduhdahna vâng emaw, rinna phatsan vâng emaw a ni lo tih hriat reng tûr a ni. Nakin lawka tha zâwk leh nuam zâwka kan inkhâwm theihna tûr a nih avângin inkhung hran hrâm hrâm tûr a ni zâwk.

Inhuatvâng pawh ni lo leh inhmangaih loh vâng pawh ni lova thuawihna avâng zâwka chhôngkhat laina te, thian tha te, rawngbâwlpuite nêna intlauh pawp thei lova awm reng mai hi thlarau ve tak chu a ni tih pawh hi hriat a tha khawp mai. Chuvâng chuan thufingin 'Ei tam i duh chuan ei tlêm rawh' a tih ang deuhvin - nuam taka inkhâwm leh thuai a nih theih nân lungsi taka inkhâwm rih loh hi a finthlâk viau a ni.



Phêk 1-na zawmna...

a Rihkhawdâra neih tûra Synod hotute an rawn sâwmna pawh kal theih a nih tâk loh thu te,

- Sawrkârin May 3, 2020 thleng rampumah Lockdown a puan chhonzawm tâk avângin Hruaina Êng leh Cable TV dangah Pathian thuchah sawi tûra inbuatsaih mêk a nih thu te, Synod Puipate leh kan rawngbâwltu thenkhatte hnen aţanga Pathian thuchah hi ngaihthlâk beisei a nih thu te,

- Synod Relief hetiang hian pêk a ni:

(1) Covid-19 hrilêng vênna sênso atân Mizoram sawrkâr hnênah ₹ 9,00,000 (Cheng Nuai kua) CM Relief Fund-ah pêk a ni.

(2) Synod Hospital-a Covid-19 hrilêng enkawlina tûr inbuatsaihna sênso atân

₹5,00,000 (Cheng nuai nga) pêk a ni.

(3) Synod Rescue Home mamawh phuhrûk nân ₹ 2,00,000 (Cheng nuai hnih) pêk a ni.

(4) Khawngaihna In, Chite Vêng ami tanpui nân ₹ 2,00,000 (Cheng nuai hnih) pêk a ni.

(5) Kohhran mal leh Bial thenkhat relief hi sem mêk a ni a, kan ram dinhmun ngaihtuahin pêk tûr pawh an awm zêl dâwn ni a a lan thu report a ni baw.

- Rev. Thangpuiliana, Synod Moderator hlui (kum 90) chu ni March 20, 2020 khân an chênna in Chaltlângah a boral a. A tûk March 21, 2020-ah Moderator Rev. R. Lalchaglianan Chaltlâng Kohhran Biak Ina a vui thu report a ni baw.

SYNOD MISSION BOARD RINGTHAR NEIH DÂN

Kumin 2020, February thla thlenga Mission Field hrang hranga ringthar neih dân hetiang hi a ni:

Sl.No	Field	Total	S.No	Field	Total
1.	Arunachal & Assam Mission (East)	20	11.	Kolkata	258
2.	Arunachal & Assam Mission (North)	29	12.	Lucknow	22
3.	Arunachal & Assam Mission (West)	16	13.	Masihi Sangati	742
4.	Assam	11	14.	Nepal	21
5.	Barak	16	15.	Odisha	64
6.	Delhi	29	16.	Patna	18
7.	Home Mission North	33	17.	Siliguri	29
8.	Home Mission South	0	18.	Tripura	163
9.	Jharkhand	63		TOTAL	1542
10.	Karbi Anglong	28			

SYNOD BOOKROOM MOBILE BOOKSHOP 2020

March 16 - 21, 2020 khân Synod Bookroom chuan an rawngbâwlna chi khat, thingtlâng khaw kilkhawr zâwk ami ten Synod Bookroom an chhawr ve theihna tûra a hmuna va kal chilha vahchhuah rûnpui - Mobile Bookshop chu tlângdung pali - Tuichânggrâl tlângdung, Tuipuirâl tlângdung, Sialkal tlângdung leh Hachhek tlângdung te tlawhin khaw 39-ah an kal a. Tûn tum Mobile Bookshop-ah hian Truck pali an hmang a, zîng tin leh tlai tin khaw hran zêlah an insuan kual thîn a. Tuipuirâl tlângdungah hian Upa Lalringliana leh Tv. Lalthlamuana te an kal a, Tuichânggrâl tlângdungah Pu Malsâwmdawngliana, Supervisor leh Tv. Ramfangzauva te an kal a, Sialkal tlângdungah Pu K. Lallungmuana leh Tv. Lalrinkima te kalin Hachhek tlângdungah Pu

B. Lalchhantluanga leh Pu Lalrimawia te an kal.

Hetianga Mobiel Bookshop neih hi rawngbawlna tângkai leh hlawk tak mai a ni a. Hmun kilkhawr zawka awm, khawpui lian zawka kal remchang hleithei lo ten an lehkhabu duhzawng an lo neih ve theihna tura rawngbawlna tângkai tak mai a ni a. Mi tam takin an beisei phak loh lehkhabu tha leh hlu tak tak an lo neih ve theih phah thîn a. Mi



tam zawkin an lo hlawkpui theihna tura hetiang Bookroom lamin ruahmanna tha tak mai an nei thîn hi a ropui hle a ni.

www.mizoramynod.org

Râl Vêngtu

Mite chuan, "Râl Vêngtu, tùnlaia khawvêlin a buaipui luai luai Gomorra virus avâng hian kan thla a phâng a, tih vak ngaihna kan hre mang si lo va. Mi thenkhat lah chuan khawvêl hi kan sual tawh lutuka, Mizote pawh kan bâng bik chuang lo. He Gomorra virus hi Pathianin min hrem nân a rawn thlentîr a ni ang te an ti a. Eng nge maw i ngaih ve dân le? Mipui thlamuan tûr zâwnin tawng han nei teh," an rawn ti a. Râl Vêngtu chuan, "A khai aw! Gomorra Virus an ti hleinêl Coronavirus an ti alâwm! Bible-a Gomorra khaw sualna leh Coronavirus suih zawm in tum tlat a, a hmîng pawh in hre fuh thei lo a nih hi. Lungkhama thlaphân viau tûr a ni hleinêl. In lungkham viau avâng khân engmah in kham chhuak thei chuang hleinêl. He hripui lo thleng aţang hian zir chhuah tûr tam tak a awm alâwm. Ngun takin lo ngâithla ula, kan sawi ang e av:

1. Chhiatna rêng rêng hi kan sual vâng a ni kher lo, kan sual vâng kan tuar chu a awm ve baw. Sual vâng hian tuar zêl dân ila tûn thleng dam tîk tumah an awm lo vâng. Mitdel saa piang pawh kha Isua hnêna an rawn hrui khân, 'he mi hian nge thil tîsual a nu leh pa-in?' an tih khân, Lal Isuan 'he mi hian thil a tîsual lo, a nu leh a pain an tîsual hek lo. Pathian hnathawh a chung a lo lanna tûrin a nih zâwk hi' a tih daih kha. He hripui lo lêng hi kan sual tîk êm vâng lo thleng a ni kher lo. Pathian ropuzia khawvêlin a hriat theih nâna lo thleng a ni zâwk. Hriatna tûra beng nei chuan hre raw u.
2. Nangmahni pawipangah in chhuak tam ta lutuk a, chhûngkuain in awmho tlêm tawh êm a. Hetia hripui a lo lêng tîkah chuan chhûngkuua khawsak hona hun tam zâwk in lo nei ta a. Chhûngkuua Pathian biak hona hun ða in nei tam ta a, a ða viau lo'm ni?
3. Mahni hma sial taka mahni ham-ðatna tûr chauh ngaihtuaha in awm laiin he hripui lêng vâng hian mi rethei leh harsa zâwk te ngaihsakna leh an mamawh pêk châkna a lo lang chhuak leh ta a. 'Ka ei zo vek dân' ti ðin khân 'sem sem dam dam, ei bil thi thi' tih rilru in lo put leh tîk hi! 'I unau a rilðam chuan ei tûr pe rawh' tih Lal Isua thupêk te kha Mizo Kristiante hian a taka kan chhân theihna hun remchâng Lalpan min rawn siamsak a nih zâwk hi.
4. Hla siamtuin 'Keinin vânduaina kan ruat a hmangaihna lantîrtu' a tih ang khân he hripui Coronavirus pawh hi Pathian hremna zâwna ngai lovin Pathian hmangaihna lantîrtu-ah hman daih tûr a ni zâwk ang," a ti a. Mite chuan, "Râl Vêngtu nge nge chu pan man i awm e. Kan thla a muang suai suai mai alâwm," tiin him takin an hâwng leh ta dam dam a.

SYNOD HOSPITAL, DURTLÂNG THILPÊK DAWNTE (FEBRUARY, 2020)

I. CHARITY FUND:		2. KTP, Model Vêng Branch, Aizawl		23
1. Upa T. Vánlawma te nupa, Hunthar Vêng, Aizawl	₹ 2,000/-	3. Tuipuiral Zirlai Páwl		65
2. Pi Lalremi, M/o R.C Lalrêngpuii, Zemabawk North	₹ 2,500/-	4. KTP, Bethlehem Vêng Branch		42
3. Pi C. Lalrinmawii, O/A, Synod Hospital	₹ 3,500/-	IV. THIL DANG PETUTE :		
4. KTP, Hliappui Bial	₹ 5,000/-	1. Bâwngkâwn East Koh. Pavalai Páwl, Aizawl	Thutthlengsei 5	
5. KTP, East Phailéng Bial	₹ 2,700/-	2. Upa Lallianmawia te nupa, Ramhlun North.	An dáwr BB Deco kum 10 tîin lawma atân	
6. Pu Zodinliana, Mission Vêng	₹ 1,500/-		Báktáwng Cooker 65 litres min pe	
7. Dr. Lalmalsáwma, D-3 Bussiness Enterprises	₹ 3,000/-	3. Upa F.Lalsângliana, Khatla	College of Nursing Library-a dah tûr lehkhabu 139 leh booklet min pe	
8. Luke Lianchhúngpua, S/o Lianchungnunga		4. Vairengté Bial Kohhran Hmeichhia	College of Nursing tanpui nân	
9. Central KTP	₹ 3,40,712/-		₹ 10,000/- min pe	
10. Central Kohhran Hmeichhia	₹ 6,06,056/-	5. Orvil Pharma, Kolkata	Surgical Mask 500, Cap 500 leh	
11. Zodinliana, Mission Vêng,	₹ 1,500/-		Eye OT tân Dark Glasses 200 min pe	
12. Lungdai Kohhran	₹ 4,000/-	6. Mintunath	Eye OT tân Surgical drape 150 leh	
13. Central Kohhran Hmeichhia	₹ 2,200/-		Cataract Surgery Set (₹ 15,000/-) min pe	
14. Thênzáwl Dinthar Kohhran Ramthar Committee	₹ 5,000/-	7. Pi Lalpármawii	Chapel-a pangpâr	
16. Hlimen Kohhran Hmeichhia	₹ 20,000/-	W/o Upa F. Lalsângliana, Khatla	khawina tha tak min pe	
17. Pi Vánlalhluni, ANS, Synod Hospital - a pian		8. Challtlang Lily Vêng North Kohhran Hmeichhia	Hospital Cleaner	
champhaphâk pualin	₹ 2,000/-		Uniform man tûr ₹ 42,000/-	
18. KTP, Teikhang Bial	₹ 2,000/-			
19. Pu R. Lalrinmawia	₹ 1,000/-			
20. Pi Lalzuiluwangi, w/o George Malsáwmtluanga,				
Tlângnuam, Aizawl	₹ 4,000/-			
II. GRACE HOME TANA PETE:		Khawngaihna leh duhsaknaa thilpêk min petute zawng zawng hnênah Lalpa Isua Krista hmîngin lâwmthu kan sawi tak meuh meuh a ni. Hêng in thilpêk kan dawnte hian dam lo awm man harsate thlamuang takin a awmtîr a, Hospital mamawh tam tak min phuhrûksak baw a ni.		
1. Central KTP	Grace Home Cook pahnih	Sd/- REV. R. RAMDINMAWIA		
	hlawh Jan., 2019 - March, 2020 atân ₹ 96,000/-	Chaplain,		
2. KTP, Kulikâwn Bial	Bed side Screen min pe	Synod Hospital, Durtlâng.		
3. KTP, Dâwrpui Branch	Tab. Bactrim DS Box 8			
4. Kolasib Diakkâwn Bial Kohhran Hmeichhia	₹ 6,759/-			
III. THISEN PETUTE		UNIT ZÂT		
1. KTP, Ramhlun Vêngchhak & Vêngchung Branch		42		

KRISTIAN CHHÛNGKAW DINHMUN TEHNA

Central Kohhran Hmeichhe Rorêl Inkhâwm March 6-8, 2020 chhûnga Ramhlun Vênglai Kohhran Biak ina hman zawh tâkah khân, hetiang hi Kristian Chhûngkaw dinhmun tehnaa tih ða te an ni.

A ti ða zual Bial 10-te chu hêngte hi an ni:

Dinhmun	Bial hmîng	Chhûngkaw awm zât	Ni tîn Chhûng Inkhâwm	Buhfaitham ðâm zât
1-na	NE Khawdungsei	572	572	100
2-na	Phainuam	130	128	100
3-na	Ramhlun North	1,442	1,418	100
4-na	Dâwrpui	1,244	1,218	100
5-na	Ramhlun Vêngthar	869	848	100
6-na	Tuikual	1,143	1,110	100
7-na	Ramhlun	784	748	100
8-na	Ngopa	744	707	100
9-na	Mission Vêngthlang	1,114	1,054	100
10-na	Bûngkâwn	1,387	1,311	100



March 31, 2020 khân Synod Moderator Rev. R. Lalchangliana'n Covid-19 dona atân a ðul apianga hman tûrin CM Relief Fund-ah ₹ 7,00,000/- (Chêng nuai sarìh) a hlân a.
March 24, 2020 khân ₹ 2,00,000/- (Chêng nuai nhìh) a lo hlân tawh baw.

CORONAVIRUS DISEASE (COVID-19)-IN NUNPHUNG A TIKHAIHLAK NASA HLE

Khawvêla hripui hlauhawm tak mai Coronavirus Disease 2019 (COVID-19 ti a hriat lâ) hi China ram bial pakhat Hubei Province chhûnga sumdâwnna hmupui Wuhan aţangin 2019 December thla tâwp lam khân lo darh ţan ni a hriat a ni a. Indopui pahnhna hnua khawvêlin harsatna a tawh nasat ber tih hiala sawi theih a ni âwm e. He natna ţihbaiawm tak hian kâr lovah khawvêl a dêng chhuak a ni ber mai.


He natna hi miin a kai aţanga ni 14 chhûngin a taksaah chu natna chu a lo lang chhuak ţhîn. Natna lan chhuah dân tlângpui chu – khawsik, khuh leh thâwk lam harsatna a ni ber. Hêng bâkah pawh hian chauh ngawih ngawihna te, tihrawl nâ te, kawţhalo te, hrawk nâ te, thil rim hriat hleih theih loh te leh punnâ tein a lo lang chhuak bawţhîn. He hri hlauhawm damdawi leh invênna damdawi hi tûn thlengin hmuh chhuah a la ni lo. Chuvang chuan khawvêl ram tin mai hi intlawh pawh theih lohvin an inkhârkip vek bawţ a ni. Hetiang taka inkhârkipna hi khawvêlah hian a la thleng lo hial âwm e. Hmachhawn dân ţha ber chu invênna lam hi a ni. Invênna atâna pawimawh chu mipui vântlâng zînga awm loh (Social Distancing), inkhârkip (Quarantine), kut fai taka sil, hmui tuamna (mask) a hmui tuam, mi dang nêna inkhawih loh, mit leh ka khawih dâwnin kut fai taka sil leh a dang te.

He hri hi a darh chak êm êm a. December 2019 a hriat chhuah chauh si kha April 15, 2020 a lo thlen meuh chuan khawvêl ram 210-ah a darh hman a. Covid-19 hri vei zât chu maktduai hnih dâwn, thi zât 1,26,000 zet an tling tawh a, dam chhuak 4,86,000 zet an awm bawţ. Thla thum awrh chauh chhûnga hri kai maktduai hnih dâwn leh thi zât nuai hnih dâwn an awm hman mai hi 'a va mak ngai êm!' tih loh rual a ni lo.

He hripui hian India ram pawh 30 January 2020 khân a lo thleng ve ta der mai. Hetia India ram pawh kan him bîk chuan tâk loh avâng hian Mizoram sawrkâr chuan chêt a la ta nghal vat a. March 23-29, 2020 chhûng chu tual laia mipui mimir chhuah khapna thupêk a chhuah ta a. Chumi bawhzui chuan Mizoram Synod Senior Executive Secretary Rev. Lianhmingthanga Sailo

pawhin Synod hnuaia Office & Department zawng zawng te pawh March 23-29 chhûng chu khâr rih tûr a ni tiin thuchhuah a siam zui ve nghâl a. Synod Hospital, Durtlâng leh John William Hospital, Lunglei erawh chu mipui mamawh thawktu (Essential Services) an nih avângin a pangngaia kaltîr an ni. Synod Financial Year March 31, 2020 pawh April ni 15, 2020-ah a sawn hla ta nghâl bawţ a ni. Hri vei an pun zêl avângin sawrkâr laipui pawhin chêt a la zui ta thuai a. March ni 22, 2020 khân India ram hmun 75-ah dârkâr 14 chhûng mipui punkhâwm a khap a. Prime Minister chuan March 25-April 14, 2020 (Ni 21 chhûng) pâwn chhuah khapna (Total Lockdown) a puang ta rup mai. Lockdown chhûng hian vênhimna lama thawktu te, damdawi lama thawktu te, chanchinbu mite, leh loh theih lohva thuneituten an phalsak te tih chauh loh chu mipui pâwn chhuah khap a nih avâng hian sawrkâr Office te, zirna in te, thlawhna te, rail te, lirthei chi hrang hrang te, company hna thawktute etc. a châwl ţhuap mai. Sakhaw thila pun khâwmna pawh khâr vek a ni bawţ. Theih tâwpa sawrkâr laipui leh state sawrkâr te an inkhârkip chung pawhin April 15, 2020 a lo thlen meuh chuan hri vei zât 11,439, dam chhuak 1,306 leh thi zât 377 lai a tling hman. India chu khawvêl pum huapa hri kai leh thi zât pun tlêmna ber pâwl a ni pha hial âwm e. Total Lockdown a hlawhtling thawkhata hriat a nih avângin May ni 3, 2020 thleng chhunzawm tûr a nih thu Prime Minister-in a puang leh ta a ni. Mizoramah pawh March ni 24, 2020 khân COVID-19 hri vei hmuh chhuah a lo ni ve ta reng mai, min zuah ta bîk lo. Sawrkâr thil ruahman leh Kohhran ruahmanna te mipuiin ţha taka kan zawm avâng leh Pathian zahngaihna avângin Mizoramah chuan COVID-19 hri vei pakhat kan neih bîk chu a pun belh ta rih lo. A lâwmawm takzet a ni. Mizoram sawrkâr pawhin May 3, 2020 thleng Lockdown a puan chhunzawm avângin Synod Office pawh khâr chhunzawm zêl tûrin Synod hotuten an rêl zui ve leh ta bawţ.

Hetianga COVID-19 avâng a pâwn chhuah leh mipui pun



khâwm khap a nih tâk si avâng hian Mizoram chhûnga Kohhran hrang hrang te pawhin Pathian Biak inkhâwm pawh remchâng bîk lo ni a hriain inkhâwm leh Kohhran Programme ruahman tawh zawng zawng pawh a sût ta vek bawţ a ni. Hetiang a nih tâk avâng hian Kohhran hunpui Tûmkau Ni Programme te, Good Friday leh Easter Sunday Programme te, Bial Inkhâwmpui Programme te pawh ţhulh a ni ta zêl a. Kohhran mite khawhar lutuk tûr ngaihtuahin kan Hruaina Êng kal tlangin 'Thlamuanna Thuchah' Synod Moderator Rev. R. Lalchangliana leh Executive Secretary Rev. B. Sangthanga ten an sawi a. Zonet leh LPS Prime Channel-ah Live-in Synod hotuten hetiang hian thuchah an sawi bawţ: Tûmkau Ni (10:00AM) Rev. Joseph Lalremsiama Synod Statistician, Good Friday (10:10AM) Rev. Vânlalrova Kiangte Synod Secretary (Sr), Good Friday (10:00AM) Rev. K. Lalrinmawia Executive Secretary, Easter Sunday (10:00AM) Rev. R. Lalchangliana Synod Moderator. Hêng bâkah pawh hian kan Pastorte leh rawngbâwltu ţhenkhatin LPS leh Zonet Caable TV-ah Pathian Thuchah an sawi bawţ a. Kohhran miten an hlâwkpui viau ni a hriat a ni.

Mizoram-in COVID-19 a buaipui chungchângah hian thil chhinchhiah tûr tam tak a awm: Sawrkâr in chak takin hma a la a. Sawrkâr ruahmanna leh hmalâkna te Kohhranin a ţawiawm ţha êm êm bawţ a. Sawrkâr, Kohhran leh Task Force te hmalâkna te mipuiin kan ţawiawm ţhain kan zâwm ţha êm êm a ni. Tumahin kut an kuangkua thei lo va, mahni theih ang tâwkin mahni hma zâwnah kan theih tâwp kan chhuah ţheuh niin a lang a, a lâwmawm takzet a ni. Heti taka Mizo mipuite ţanrualna hi a ropui takzet zet a ni.

